



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-06-05-2646/19
Sarajevo, 08.04.2019.godine

SKUPŠTINA KANTONA SARAJEVO
gosp. Elmedin Konaković, predsjedavajući Skupštine

PREDMET: Izjašnjenje na inicijativu zastupnika Elmedina Konakovića, dostavlja se –
VEZA: Vaš akt, broj:01-05-666-12/19 od 24.01.2019. godine

Na Trećoj Radnoj sjednici Skupštine Kantona Sarajevo, održanoj 21.01.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnik Elmedin Konaković je pokrenuo slijedeću zastupničku inicijativu:

„Pokrećem inicijativu za donošenje Uredbe kojom bi se dodatno uredila oblast kontrole javnih nabavki u svim institucijama čiji je osnivač Kanton Sarajevo.

Predlažem formiranje stalne komisije ili drugog radnog tijela, čiji bi članovi bili predstavnici akademske zajednice, nevladinog sektora, Vijeća mladih, predstavnika opozicije i eksperata iz oblasti javnih nabavki. Uz postojeći Registar javnih nabavki, stalna kontrola i nesmetan pristup svim informacijama doprinijeće značajnom smanjivanju koruptivnih radnji u Kantonu Sarajevo.“

S tim u vezi, Ministarstvo pravde i uprave dostavlja slijedeće

I Z J A Š N J E N J E

Analizom upućene inicijative, Ministarstvo pravde i uprave se, u saradnji sa USAID-om, odlučilo na formiranje Tima za izradu Uredbe o kontroli javnih nabavki, potpomognut sa ekspertima iz oblasti javnih nabavki, s obzirom da ovo ministarstvo ne raspolaže sa takvim kapacitetima da samostalno pripremi i izradi ovu uredbu.

Na osnovu navedenog, Vlada Kantona Sarajevo je, na prijedlog Ministarstva pravde i uprave Kantona Sarajevo, donijela Rješenje o imenovanju Tima za izradu prijedloga Uredbe o kontroli javnih nabavki u svim institucijama čiji je osnivač Kanton Sarajevo, broj: 02-05-13232-28/19 od 29.03.2019. godine.



Krajnji cilj donošenja ove uredbe je, ne ulazeći u Zakon o javnim nabavkama, da se obezbjedi veća transparentnost, objektivnost, zakonitost, blagovremenost i efikasnost u trošenju javnih sredstava.


Prilog:

- Rješenje o imenovanju Tima za izradu prijedloga Uredbe o kontroli javnih nabavki u svim institucijama čiji je osnivač Kanton Sarajevo, broj: 02-05-13232-28/19 od 29.03.2019. godine.

S poštovanjem,

Dostaviti:

1. Naslovu;
2. a/a.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-13232-28/19
Sarajevo, 29.03.2019. godine

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), Vlada Kantona Sarajevo na 13. sjednici održanoj **29.03.2019.** godine, donijela je

R J E Š E N J E

o imenovanju Tima za izradu Prijedloga uredbe o kontroli javnih nabavki u svim institucijama čiji je osnivač Kanton Sarajevo

I

(1) Imenuje se Tim za izradu Uredbe o kontroli javnih nabavki u svim institucijama čiji je osnivač Kanton Sarajevo, u slijedećem sastavu:

1. Admir Čebić, dipl. ecc., pomoćnik direktora Agencije za javne nabavke BiH - ekspert,
2. Josip Jakovac, dipl. pravnik, šef grupe za normativno-pravne poslove u Agencije za javne nabavke BiH - ekspert,
3. Dražen Vidaković, dipl. pravnik, šef grupe za normativno-pravne poslove u Agencije za javne nabavke BiH - ekspert,
4. Sedin Kozadra, dipl. ecc, šef Odsjeka za ekonomske poslove Stručne službe za zajedničke poslove - ispred Vlade Kantona Sarajevo,
5. Mersiha Jusić, magistar pravnih nauka, sekretar Udruženja poslodavaca FBiH - ispred Udruženja poslodavaca Kantona Sarajevo,

(2) Ispred Vlade Kantona Sarajevo, za koordinatora rada Tima iz stava (1) ove tačke imenuje se Zlatan Karović, magistar prava - pomoćnik ministra za pravne i ekonomske poslove Ministarstva pravde i uprave Kantona Sarajevo.

II

(1) Zadatak Tima iz tačke jedan ovog Rješenja je detekcija najrizičnijih tačaka u procesu provođenja javnih nabavki, uspostava pravila i procedura u postupku javnih nabavki, a što se naročito ogleda u uspostavi kriterija za imenovanje komisije za provođenje postupka javnih nabavki, procedura kreiranja tenderske dokumentacije u smislu uspostave odgovarajućih ključnih tački pri kreiranju tenderske dokumentacije (check lista), sagledavanje mogućnosti provođenja objedinjenih sektorskih nabavki, te izrada Prijedloga uredbe o kontroli javnih nabavki u svim institucijama čiji je osnivač Kanton Sarajevo na bazi dobijenih informacija pri realizaciji ovog zadatka.

(2) Zadatak koordinatora ispred Vlade Kantona Sarajevo je komunikacija sa USAID-om, kao strateškim partnerom Vlade Kantona Sarajevo na ovom projektu, te pružanje materijalne i tehničke podrške USAID-u i Timu iz tačke (1) ovog Rješenja, koji se naročito ogleda u:

- uspostavi (imenovanju Tima);
- organizovanju i zakazivanju sastanaka Tima;
- obezbjeđivanju prostornih i tehničkih kapaciteta po potrebi Timu;

- organizovanju odgovarajućih sastanaka sa predstavnicima Vlade Kantona Sarajevo i USAID-a.
- (3) Krajnji cilj donošenja ove Uredbe je, ne ulazeći u Zakon o javnim nabavkama, da se obezbjedi veća transparentnost, objektivnost, zakonitost, blagovremenost i efikasnost u trošenju javnih sredstava.

III


Rok za izradu Prijedloga uredbe iz tačke II ovog Rješenja je 30-45 dana, a najkasnije do 15.05.2019. godine.

IV

Naknadu za rad Tima obezbjeđuje USAID u skladu sa internim pravilima USAID-a, osim za člana Tima ispred Vlade Kantona Sarajevo i koordinatora Tima ispred Vlade Kantona Sarajevo, čija će se naknada utvrditi posebnom odlukom Vlade Kantona Sarajevo.

V

Ovo Rješenje stupa na snagu danom donošenja.



Dostaviti:

1. Predsjedavajući Skupštine Kantona Sarajevo
2. Premijer Kantona Sarajevo
3. Ministarstvo pravde i uprave Kantona Sarajevo
4. Članovima Tima i koordinatoru Tima 6x
(putem Ministarstva pravde i uprave)
5. Evidencija
6. Arhiva



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

